



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-15354-1-1.5./2025

Datum: 19.08.2025.godine

Mjesto: Sarajevo

Na osnovu člana 70. stav (3), a u vezi sa članom 64. stav (1) tačka a) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo, Rješenja Ureda za razmatranje žalbi broj: JN2-03-07-1-1035-6/25 od 24.07.2025. godine i Zapisnika o pregledu i ocjeni ponuda sa preporukom Komisije broj: 7565-1-2/2025 od 06.08.2025. godine, Uprava Društva na 51. (redovnoj) sjednici, održanoj dana 19.08.2025.godine donijela je:

O D L U K U

o izboru najpovoljnijeg ponuđača

I

Ugovor za javnu nabavku usluga – Periodični pregled i ispitivanje sredstava rada i opreme u JP Željeznice FBiH d.o.o. Sarajevo, dodjeljuje se grupi ponuđača TQM d.o.o. Lukavac, Institut za kvalitet, standardizaciju i ekologiju Lukavac (predstavnik grupe) i RUDARSKO PROJEKTOVANJE d.o.o. Tuzla (član grupe), sa cijenom od 15.575,00 KM (bez PDV-a), odnosno 18.222,75 KM (sa PDV-om), tender broj: UD-7565-1/2025.

II

Ugovor se dodjeljuje u skladu sa članom 64. stav 1. tačka a) Zakona o javnim nabavkama ("Službeni glasnik BiH", broj: 39/14, 59/22 i 50/24), tj. u skladu sa kriterijem ekonomski najpovoljnije ponude.

III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-7504-1-2.7./2025 od 03.04.2025. godine odobrila pokretanje postupka putem konkurentskog zahtjeva za dostavu ponuda za javnu nabavku usluga – Periodični pregled i ispitivanje sredstava rada i opreme u JP Željeznice FBiH d.o.o. Sarajevo, tender broj: UD-7565-1/2025.

Rješenjem VD Predsjednika Uprave - Generalnog direktora broj: 1-7957-1/2025 od 08.04.2025. godine, imenovana je Komisija za nabavke (u daljem tekstu: Komisija) koja je provela postupak nabavke u sljedećem

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

sastavu: Mahir Demir – predsjedavajući – službenik za JN, Alem Mudžet - član i Jasmina Prasko –član. Sekretar Komisije je Edina Karić.

Obavještenje o nabavci je objavljeno na portalu javnih nabavki dana 24.04.2025. godine, broj obavještenja: 1050-7-2-71-3-56/25. Sažetak Obavještenja o nabavci je objavljen u "Sl. glasniku BiH" broj: 27, od 09.05.2025. godine.

Na osnovu člana 63. Zakona o javnim nabavkama ("Službeni glasnik BiH", broj: 39/14, 59/22 i 50/24), (u daljem tekstu: Zakon), Komisija je dana 15.05.2025. godine u 9:00 sati, izvršila javno otvaranje ponuda, bez prisustva predstavnika ponuđača. Do roka određenog za prijem ponuda, blagovremeno su pristigle 2 (dvije) ponude i to:

1. Ponuda grupe ponuđača: PROINSPEKT d.o.o. Tuzla (predstavnik grupe) i PERG GROUP d.o.o. Tuzla (član grupe), koji su ponudili sljedeće:

Cijena: 19.680,00 KM (bez PDV-a), ponuđen popust od 5%, pa cijena ponude sa popustom iznosi:

18.696,00 (bez PDV-a), odnosno 21.874,32 KM (sa PDV-om),

Uslovi i način plaćanja: 60 dana od dana izdavanja fakture,

2. Ponuda grupe ponuđača TQM d.o.o. Lukavac, Institut za kvalitet, standardizaciju i ekologiju Lukavac (predstavnik grupe) i RUDARSKO PROJEKTOVANJE d.o.o. Tuzla (član grupe), koji su ponudili sljedeće:

Cijena: 15.575,00 KM (bez PDV-a), odnosno 18.222,75 KM (sa PDV-om),

Uslovi i način plaćanja: 60 dana od dana izdavanja fakture

Napomena: Ponuđači nisu na kovertama naznačili da se radi o grupi ponuđača, te su u tom pogledu u Zapisniku o prijemu ponuda od 09.05.2025. godine navedeni samo predstavnici grupe, bez navođenja članova grupe.

Komisija je prvobitno pristupila pregledu i ocjeni pristiglih ponuda, te konstatovala sljedeće:

Ponuda grupe ponuđača PROINSPEKT d.o.o. Tuzla i PERG GROUP d.o.o. Tuzla je ocijenjena kao neprihvatljiva na osnovu člana 2. stav 1) tačka 1) pod 2) Zakona, iz sljedećih razloga:

Ponuđač je dostavio Potvrdu o uredno izvršenom ugovoru broj: II-810/23 od 14.03.2023. godine, izdatu od JP ELEKTROPRIVREDA HRVATSKE ZAJEDNICE HERCEG BOSNE d.d. Mostar i ovjerenu od strane nadležne Službe za društvenu djelatnost i upravu Grada Lukavca pod brojem: 8161/24 od 19.12.2024. godine, a tačkom 2.2.8. tenderske dokumentacije je traženo da svi dostavljeni dokazi moraju biti u formi originala, izdati i ovjereni od strane nadležne institucije, organa upravljanja i sl., ili u formi kopije navedenih originala sa ovjerom od strane ovlaštene institucije (notar, organ uprave i dr.), koja ne smije biti starija od tri (tri) mjeseca računajući od trenutka predaje ponude i koja potvrđuje identičnost originala kopije.

Ponuda je odbačena u skladu sa članom 68. stav 4) pod i) Zakona, jer ista nije potpuna i ne ispunjava zahtjeve iz tenderske dokumentacije.

Ponuda grupe ponuđača TQM d.o.o. Lukavac, Institut za kvalitet, standardizaciju i ekologiju Lukavac i RUDARSKO PROJEKTOVANJE d.o.o. Tuzla je ocijenjena kao neprihvatljiva na osnovu člana 2. stav 1) tačka 1) pod 2) Zakona, iz sljedećih razloga:

Ponuđač je dostavio Rješenje Federalnog ministarstva rada i socijalne politike broj: UPI 03-30/12-18/21 AG od 21.06.2021. godine ovjereno od nadležne Službe za društvenu djelatnost i upravu Grada Lukavca pod brojem: 6765/25 koje nema potreban datum ovjere, a tačkom 2.2.8. tenderske dokumentacije je traženo da svi dostavljeni dokazi moraju biti u formi originala izdati i ovjereni od strane nadležne institucije, organa upravljanja i sl., ili u

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

formi kopije navedenih originala sa ovjerom od strane ovlaštene institucije (notar, organ uprave i dr.), koja ne smije biti starija od tri (tri) mjeseca računajući od trenutka predaje ponude i koja potvrđuje identičnost originala kopije.

Ponuda je odbačena u skladu sa članom 68. stav 4) pod i) Zakona, jer ista nije potpuna i ne ispunjava zahtjeve iz tenderske dokumentacije.

U skladu sa navedenim Komisija je prvobitno konstatovala da nisu ispunjeni zakonski uslovi za nastavak postupka nabavke i zaključenje ugovora o javnoj nabavci usluga – Periodični pregled i ispitivanje sredstava rada i opreme u JP Željeznice FBiH d.o.o. Sarajevo, tender broj: UD-7565-1/2025, te je u skladu sa članom 19. stav 1) Pravilnika javnoj nabavci roba, usluga i radova broj: UD-24662-1-3./2022 od 02.12.2022. godine, dala p r e p o r u k u Upravi Društva za donošenje Odluke o poništenju predmetnog postupka javne nabavke, a u skladu sa članom 69. stav (2) pod d) Zakona, jer nijedna od primljenih ponuda nije prihvatljiva.

Uprava Društva je prihvatila preporuku Komisije, te na sjednici održanoj dana 09.06.2025. godine donijela Odluku o poništenju predmetnog postupka broj: UD-11213-1-2.1./2025.

Obavještenje ponuđačima broj: 1-11738-1/2025 od 13.05.2025. godine upućeno je zajedno sa predmetnom Odlukom o poništenju postupka javne nabavke.

Po prijemu Obavještenja ponuđač TQM d.o.o. Lukavac, Institut za kvalitet, standardizaciju i ekologiju Lukavac, kao predstavnik grupe, izjavio je Žalbu broj: 507-3337/25 Žalba od 19.06.2025. godine, zaprimljenu kod Ugovornog organa pod brojem protokola: 45-12125-1/2025 od 23.06.2025.godine, na Odluku o poništenju postupka nabavke broj: UD-11213-1-2.1./2025 od 09.06.2025.godine.

U skladu sa članom 100. Zakona, Ugovorni organ je utvrdio da je žalba blagovremena, dopuštena, uredna i izjavljena od strane ovlaštenog lica i od lica koje ima aktivnu legitimaciju.

Ugovorni organ je predmetnu žalbu ocijenio kao neosnovanu i dostavio Izjašnjenje na navode žalbe broj: 1-12249-1/2025 od 24.06.2025. godine, kao i kompletnu dokumentacije vezanu za postupak nabavke Uredu za razmatranje žalbi na dalje odlučivanje.

Ured za razmatranje žalbi je donio Rješenje broj: JN2-03-07-1-1035-6/25 od 24.07.2025. godine kojim usvaja žalbu ponuđača TQM d.o.o. Lukavac, Institut za kvalitet, standardizaciju i ekologiju Lukavac, te poništava Odluku o poništenju postupka nabavke broj: UD-11213-1-2.1./2025 od 09.06.2025.godine i vraća predmet ugovornom organu na ponovni postupak.

Komisija za javne nabavke je na svojoj zatvorenoj sjednici, a u skladu sa predmetnim Rješenjem Ureda za razmatranje žalbi konstatovala sljedeće:

Ponuda grupe ponuđača TQM d.o.o. Lukavac, Institut za kvalitet, standardizaciju i ekologiju Lukavac (predstavnik grupe) i RUDARSKO PROJEKTOVANJE d.o.o. Tuzla (član grupe), formalno pravno ispunjava uslove tražene tenderskom dokumentacijom predmetnog postupka. Naime, grupa ponuđača je shodno zahtjevima ugovornog organa iz tačke 2.2.8. b) tenderske dokumentacije dostavila kopiju Rješenja Federalnog ministarstva rada i socijalne politike broj: UPI 03-30/12-18/21 AG od 21.06.2021. godine, koja je neosporno ovjerena pečatom od strane Službe za društvene djelatnosti i upravu Grada Lukavca, ali u kojoj je navedeno tijelo propustilo upisati datum ovjere dokumenta.

Po ocjeni Ureda za razmatranje žalbi, navedeni propust nadležnog organa uprave ne predstavlja propust ponuđača u konkretnom slučaju zbog kojeg bi njegova ponuda trebala biti odbačena kao neprihvatljiva, naročito imajući u vidu sadržaj dostavljenog Uvjerenja broj: 03-04-1-1788/25 od 18.06.2025. godine, izdatog od Službe

za društvene djelatnosti i upravu Grada Lukavca, kojim se potvrđuje da je dana 09.05.2025. godine, od strane ovlaštene osobe nadležnog organa uprave, izvršena ovjera kopije Rješenja Federalnog ministarstva rada i socijalne politike broj: UPI 03-30/12-18/21 AG od 21.06.2021. godine.

Kako Ured za razmatranje žalbi smatra, na osnovu naprijed utvrđenog činjeničnog stanja, da je grupa ponuđača dostavila urednu kopiju važećeg Rješenja Federalnog ministarstva rada i socijalne politike broj: UPI 03-30/12-18/21 AG od 21.06.2021. godine, za obavljanje poslova iz oblasti poslova zaštite na radu, kojim se potvrđuje da je ponuđač ovlašten za obavljanje poslova traženih tenderskom dokumentacijom, s obzirom da ovjerena kopija navedenog dokumenta/Rješenja nije starija od 3 (tri) mjeseca, računajući od trenutna predaje ponude, a sve na način zahtijevan tenderskom dokumentacijom, Komisija konstatuje da je navedena ponuda formalno pravno jedina prihvatljiva u predmetnom postupku.

U skladu sa navedenim Komisija je konstatovala da su ispunjeni zakonski uslovi za nastavak postupka nabavke i zaključenje ugovora o javnoj nabavci usluga – Periodični pregled i ispitivanje sredstava rada i opreme u JP Željeznice FBiH d.o.o. Sarajevo, tender broj: UD-7565-1/2025, te je u skladu sa članom 19. stav 1) Pravilnika javnoj nabavci roba, usluga i radova broj: UD-24662-1-3./2022 od 02.12.2022. godine, dala p r e p o r u k u Upravi Društva za donošenje Odluke o izboru najpovoljnijeg ponuđača i to: grupe ponuđača TQM d.o.o. Lukavac, Institut za kvalitet, standardizaciju i ekologiju Lukavac (predstavnik grupe) i RUDARSKO PROJEKTOVANJE d.o.o. Tuzla (član grupe), sa cijenom od 15.575,00 KM (bez PDV-a), odnosno 18.222,75 KM (sa PDV-om), a u skladu sa članom 64. stav (1) tačka a) Zakona, tj. u skladu sa kriterijem ekonomski najpovoljnije ponude.

Ugovorni organ ne donosi dodatni akt za stavljanje van snage prethodne osporavane Odluke o poništenju predmetnog postupka, jer je Rješenjem Ureda za razmatranje žalbi ista poništena.

Uprava Društva je prihvatila preporuku Komisije, te je u skladu sa navedenim odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 5 (pet) dana od dana prijema iste, a u skladu sa članom 99. i 101. Zakona.

Dostavljeno:

- Sektor za pravne i kadrovske poslove,
- Sektor za nabavke i prodaju x2,
- Sektor plana, analize i raspoređivanje prihoda,
- Ponuđačima/x2,
- Uz Zapisnik,
- a/a.

VD Predsjednika Uprave – Generalnog direktora
Mirza Hadžibegić, dipl. ecc.

